

# ГЕРОИЧЕСКОЙ ЛИВТЯМОСЬ ПРЯДОВСЬ

Всесоюзный Ленинский Коммунистический Союз Молодежи

Всесоюзный Ленинский Коммунистический Союз Молодежи

Солидарность движения  
США-СССР

## К Ленинэнь Киява

ВЛКСМ-нь  
Мокшэрзянь  
обкомонтъ ды  
Саранскоень ошонь  
комитетэнь газетаст

АВГУСТОНЬ  
14 чи,  
1936 ие  
№ 89 (639)  
ЛКСМ: 6-це но  
чинь ютазь

Нью-Йорк. „Дейли уоркер“ газетась пачти куля, што чикагской округонтъ (США) коммунистической ды социалистической партиятне тейсть соглашение испанской народонтъ марто солидарность вейсэн кампанияонтъ.

## СТАЛИНСКОЙ ВЫУЧКАНЬ ГОРДОИ СОКОЛТ

„АНТ-25 самолетось прыдызе исторической ливтямонзо

Августонь 10-це чистэ Московось вастынзе геройтне—советской ине масторонь а пелиця царатне Чкалов, Байдуков ды Беляков ялгатне, конатне тейсть человечество в историсонтъ беспримерной ливтямо.

Валкестэ сазезь столицась теевсь праздничноекс. Ульцятне, площадьтне, кудотне сермалгадсть якстере ды голубой флагсо, лозунгсо, портретсэ.

Шелковской аэродромс пурнавсть тышат вастыцят, конат учить пек вадря самолетонтъ.

Шожда 12 самолетнэнь ютксто кармасть неявиом покш, пек вадря машинась. Якстере крылатнесэ парсте ловновить вальтэ: „Сталинский маршрут“.

Кодак ансяк „АНТ-25“ самолетось валгсь, машинасо самолетонтень састэ Сталин, Ворошилов, Орджоникидзе, Каганович, Чубарь, Постышев, Ягода, Хрущев ялгатне. Кода кенярдозь кармасть чавомо 3 геройтне седеест, зярдо сынъ неизь ине Сталинэнь.

Сынъ Сталинэнь вакссо, учитель, вожденть, тетянтъ ды оянтъ вакссо, сонзэ соратникэнзэ вакссо. Сынст кутморясть сюворясть кедесть, сынъ жо эщо седеяк пек сюворясть, кенярдсть.

Самолетонтъ перька ламо вастыцят. Кодамо уцяскав ульнесь Валерий Чкаловонь вастомась козейканзо ды церамто марто. Сонзэ Игорензэ марто рядсек аштестей ней эйкакшт голубой пилоткасо. Цаеткатне максозь, конатне истя вечкезь кандызь неть эйкакштнэ.

Эйкакштнэ неизь Сталинэнь. Сынъ чийсть сонэнзэ ды мейле сынэнст пек а мельсэ ульнесь модемс рядтнэс.

Зярдо Сталин ялгатне максыть цветэнь букетэнтъ, сон корты эйкакштнэнь:

— Неть, геройтнеень. Максыйк весе цветкатне Чкаловнэнь, Байдуковнэнь ды Беляковнэнь.

Отважной пилотнэ кутморить эйкакштнэнь, здоровакшныть ялгатне ды оятне марто.

Партиянь ды правительствань руководителтне геройтне марто вейсэ тустэ трибунантъ вакс. Чкалов, Байдуков ды Беляков ютыть почетной караулонтъ вакса, конатне вастыть сынст вивестэ „ура“ сеерезь.

Советской Союзонь геройтне Чкалов, Байдуков ды Беляков ялгатне састо молитъ трибунантень.

Поздоровонь к у ч о м а н ь „ура“ прок самолетонь зэрнема, кайсететсь аэродромганть, зярдо тышат ломанть неизь чамасто-чамас трибуна



Советской Союзонь геройтне Байдуков, Чкалов ды Беляков ялгатне

лангсто сетынень, конатне лемест гайгить Советэнь покштояк покш масторганть.

Цяпамотне яла виензыть ды виензыть. Ды зярдо трибунантъ лангс появаст Сталин, Орджоникидзе, Ворошилов, Каганович, Чубарь, Постышев, Хрущев ялгатне, кайсети зэрница овация, поздоровонь кучомань а лоткавица цяпамот. Апак лоткесе кайсетить поздравонь кучомань вайгельтне Советской Союзонь геройтне честьс, ине Сталинэнь честьс, конань маршрутонтэ коряксиста парсте теизь авиациянь историсонтэ эщо киненьгак апак юта ливтямонть Чкалов, Байдуков ды Беляков ялгатне.

5 чассто стака промышленностень народной комиссарось Орджоникидзе ялгась, конась вастозь виве овациясо пантомс геройтне. Сталинэнь

### Орджоникидзе ялганть валозо

Тече Советской Союзонь столицась васты Советской Союзонь геройтне—Чкалов, Байдуков ды Беляков ялгатне.

Неть ялгатне ине Сталинэнь путевканть получазь, сонзэ пельде маршрутонтъ получазь (Вивестэ цяпамот, „ура“ сееремат), коната тешкстазь, сонзэ кедезь минсинек самолетсо, минсинек моторсо, конатань теизь эсинек материалсто минсинек инженертнэ, роботейтне, ютызь пек покш валозо тарканть сехте стака условиятнесэ. Авиациянь историсонтэ эщо зярдоак эзь ульне истямо ливтямо. Морятнеяк, океангак, пандгнэяк, кодаткак препятствия не могли лоткавтомс геройтне. Сталинэнь

путевканзо марто Чкалов, Байдуков, Беляков пачк моельсэ икелев, икелев ды икелев. (Цяпамот).

Ялгат, косто савесь рабочеень царанть Чкалов ялганть, Сибирень крестьячинэнь царанть Байдуков ялганть, крестьячинэнь царанть Беляков ялганть—те покш мужествось, покш энергиясь, конатне изнизь весе стакатне! Те энергиянтъ ды мужествоанть кастызе сынст эйс минек партиясь Ленинэнь—Сталинэнь партиясь. (Цяпамот, „ура“ сееремат).

Минек партиянтъ руководстванзо коряс минь изинек октябрьской чигнестэ. Минек партиянтъ руководстванзо коряс гражданской войнань иетнестэ минь ванстынек ды ванстанэ советской властентэ ашогвардеецтнэнь ды интервентнэнь эйстэ. Минек пар

## ДЕЙСТВИТЕЛЬНОЙ ВОЕННОЙ СЛУЖБАВ ПРИЗЫВНОЙ ВОЗРАСТОНТЬ АЛКАЛГАВТОМАДО ЦЕНТРАЛЬНОЙ ИСПОЛНИТЕЛЬНОЙ КОМИТЕТЭНТЬ ДЫ ССР-НЬ СОЮЗОНЬ НАРОДНОЙ КОМИССАРТНЭНЬ СОВЕТЭНТЬ ПОСТАНОВЛЕНИЯСТ

ССР-нь Союзонь физической культуранть ды спортонтъ ды населениянтъ благосостояниянтэ касомань основанть коряс Советской од ломаньтне физический уровеньест пек касоманть ловозь ды сень ловозь, што действительной военной службав седе раней возрастсо од ломаньтне нь саемась икеле пелев максы тест возможность апак лоткесе роботамс кочказь специальностьсэть эли тонавтнемс, ССР-нь Союзонь Народной Комиссартнэнь Советэсь ды Центральной Исполнительной Комитетэсь тейсть постановления:

1—1930 иень августонь 13-це чинь „обязательной военной службадо закононь“ 10-це статьянтъ (С. З. Союза ССР, 1930 ие 40 №, 424 ст.) полавтоманзо коряс кемекстамс, што РККА-в действительной военной службавтэ ютавтомо граждантнэ тердевить 19 иень топодезь призывень иень январень 1-це чистэ (21 иень таркас).

2—Меремс ССР-нь Союзонь оборонань Народной Комиссаронтень 19 иесэ призывной возрастонтень ютамонтъ ютавтомо тевс 4 иень перть—1936 иесэ сазезь 1939 иень прыдемс, 1½ иень призывной контингентэнь эрва иестэ сазезь, а именно: 1936 иестэ сазезь 1914 иень шачоват целанек контингентэнь ды пелензэ 1915 иень контингентэнтъ; 1937 иестэ—1915 иень контингентэнтъ кадвикс пельксэнзэ ды 1916 иень

целанек контингентэнтъ; 1938 иестэ—1917 иень целанек контингентэнтъ ды 1918 иень контингентэнтъ пелензэ; 1939 иестэ—1918 иень контингентэнтъ, кадовозь пельксэнзэ ды 1919 иень целанек контингентэнтъ, 1940 иестэ югамс призывной вейке контингентэнь нормальной призывентень.

ССР-нь Союзонь Центральной Исполнительной Комитетэнтэ председателесь.

М. КАЛИНИН.  
ССР-нь Союзонь Народной Комиссартнэнь председателень полавтыцязо

В. ЧУБАРЬ.  
ССР-нь Союзонь Центральной Исполнительной Комитетэнтэ секретаресь И. АКУЛОВ.  
Москва, Кремль, Августонь 11-це чи, 1936 ие.

тиянтъ руководстванзо коряс минь изнявкс марто строятно социализма минек, масторсо. Сталин ялганть путевканзо марто минек масторось моли изнявксо-изнявксос.

Сталинской маршрутканть, сталинской путевка марто минек вечкевикс ялгатне—Чкалов, Байдуков, Беляков изнявкс марто прыдызь беспримерной ливтямонть. Шумбрат улест минек „геройтне—Чкалов, Беляков, Байдуков“ („Ура“ сееремат, виве цяпамот). Шумбра улезэ минек изнявкстнэнь вдохновителесь, минек изнявкстнэнь организаторось, минек ине Сталинэнек! (Пек виве цяпамот, „ура“ сееремат, оркестрасть моря „Интернационалонтъ“).

С. Орджоникидзе: Вадось максови оборонань народной комиссаронтень—Советской Союзонь маршалонтень Ворошилов ялганть („Ура“ сееремат, виве цяпамот).

### К. Е. Ворошилов ялганть валозо

Ялгат! Минек масторось—ине Ленинэнь ды Сталинэнь мастор, певатеме изнявксонь теия мастор, конатейсь эщо вейке изнявкст ды тень пингстэ сех стака областэсь, коштонть изнямо областэсь.

Минек вечкевикс ялгатне, Советской Союзонь геройтне Чкалов, Байдуков, ды Беляков ине Сталинэнь эсинзэ руководстванзо коряс пек парсте топавтызь сынэнст аравтозь стака задачанть—Москов—Амур лангсо Николаевск, Амур лангс Николаевск—Москов ливтямонть.

Арась кавтолдомо, што те ине изнявксось, минек летчиктнэнь те подвигесь ашти вавсеньсе кевекс се ине зданиянтъ фундаментсэ, конат ули строязь минек славной родинань ломаньтне од ды седеяк покш изнявксос ды подвигсэ.

Минек геройтне—сэрде сэрсь, верьде-верьс минек ине народонтэ эйстэ. Сынъ кассть мартонзо вейсэ большевикень партиянтъ руководстванзо коряс, Сталин ялганть эсинзэ руководстванть коряс ды кассть минек советской ине масторонтэ героекс.

Неть геройтне—минек славной Робоче-Крестьянской Якстере армиянтъ царанзо, конат кастазь ды тонавтозь сон ээ рядсо. Якстере армиясь шны прыанзо неть минек вейсэнъ теветть кис икеле молиця борештнэнь эйсэ.

Весе минь содасынек, што бути сави, минек масторсо социализмань строительстванть ванстомс кедезь оружия марто, грудьсэ арамс сонзэ границанень ванстомань кис, неть геройтне улить минек боецтнэнь (Поладкозо 2-це страницасо)



# СОВЕТЭНЬ СОЮЗОНЬ ГЕРОЕНТЬ ЛЕВАНЕВСКИЙ ЯЛАНТЬ ЛИВТЯМОДО

Советэнь Союзонь героес Леваневский ялгас ды штурманось Левченко ялгате августонь 11-це чистэ нью-йоркской шканть коряс 17 чассто (московской шканть коряс 24-це чассто) кармасть ливтямо Аляскань столицанть Жюно ошанть Фербенксэв. Фербенксэс ашти Жюнонть эйстэ 960 километрань таркасо.

Августонь 11-це чистэ нью-йоркской шканть коряс 21 чассто 10 минутсто (московской шканть коряс 6 чассто 10 минутсто), Леваневский ялгась валгс Гардинг эркенить лангс, Фербенксэнтэ эйстэ 80 километрань таркасо. Советской делегатэнь вастысь Фербенксэ ошонь пельде пек ламо делегатият.

Жюносто ливтямсто Леваневский ды Левченко ялгатне ютызь маршрутонь пек стака участканть.

## Тонавтнеме карман седеак парсте

Мон пек кецял, пек паро мелезэнь сень кис, што те иестэнь ульнень лагерьсэ. Кучокшнымысь тов парсте то навтнеманть кис. Тонавтнемань иенть прядыя отличнойстэ.

Лагерьсэ оймсинь пек вадрысто, ульнесь весела. Зярдяк мон а стувтсынь то о ютавтозь читнень, тосо налксематнень. Най мон учан тонавтнемань одиенть. Сон ушодови уш куроксто. Школав мон молян кеме вийсэ ды тонавтнеме карман эшо седеак пек парсте.

Дубенкань р-н, Морго велень аволь полной средней школа, VI-це классонь тонавтницясь Н. Л. Симдянкин.

# ИСПАНИЯСО ВОЕННО-ФАШИСТСКОЙ МЯТЕЖЕСЬ

Англиянь ды Франциянь печатенть кулянзо коряс, Испаниясо правительственной войскадне икеле пандсо жо изнить фашистэнь мятежиктэнь эйсэ. Пелеве ено Гуадаррамо горной районсонть правительственной войскадне сайть веле ды Леон горной районть.

Правительственной войскадне, конат теить наступления Сарагосса ошонть лангс (мятежиктэнь вейке покш опорной пунктось) шашть икелев 22 километрадо ламос. Правительственной войскадне основной вийтне аштит Саратосанть эйстэ 29 километрань таркасо. Икеле молиця отрядтэ мольтэ ошонть малав 11 километрань таркас. Сарагоссанть ды пелеве енонть ды чи лисеманть ютксо сязезь сезезь.

Овиедо ошось (Астуриянь провинциянь столицась) пирязь горняктэнь отрядсо. Горняктэ саизь Овиедонь районсонть Лугонес веленть. Те

велесэнь ули патронной завод. Мятежиктэнь вийтнень таркань командующесь энялдсь горняктэнь ошов веденть максомодо. Но горняктэ те лангс ответэкс вешть капитуляция.

Озиедонть ды Сарагоссанть саземась ашти предпосылкакс Бургос ошонть лангс республиканской вийтнень пельде наступлениянть. (Бургос ошонть ашти мятежиктэнь „шкань правительствась“).

Испаниясо чи валгомасонть, Португальской границанть кувалт ашти республикань ванстыця антифашистской колоннась, кона пуриназь И. Поньянь коммунистической партиянь генеральной секретаренть Хо-се Диасонь инициативанзо коряс.

Испаниянь парламентэнь депутатось Долорес Ибаррури коммунисткась ды Хо-се Диас ульнесь фронтось ды тешктызь республиканской дружиниктэнь вадра настроениясь. Барселонсо (Северо-восточ-

ной промышленной областень столицась) ульнесь теэзь воен-но фашистской мятежень организатортэнь Годед ды Буриель генералтэнь лангсо суд. Кавонест генералтэнь верховной военной трибуналось суданзе ледемс. Приговорось ютавтозь теэс.

Пелеве ено Испаниясо фашистэнь мятежиктэнь прятось Мола генералось кирди пек покш стака чи секс, што сонзэ армиянь тылсэ лиссть пек покш недовольстват, конатне нень тувталокс ашти подходной налогонть ды велень хозяйствань продукциянь лангс налогонть путомадо. Каванельяс генералось мятежиктэнь „шкань правительствань“ прятось нолдась декрет 1933—34—35 иетнень призывень резервистэнь мобилизациядо.

Мятежиктэ, конатнень лангсо ашти пряттокс Франко генералось, икеле ладсо жо ускить войска Мароккасто (Северо-Западной Африкасо Испаниянь колонниясь) обел ено Испания, косо снартнить теемс наступления масторонь столицанть Мадриданть лангс. Ней Франко генералонть армиясь ашти столицанть эйстэ 400 километрань таркасо.

Правительственной флотось эрва кода кирди мятежиктэнь войсканенень ускоманть ды секе жо шкастонть бомбардирови сазезь районтэнь эйсэ. Правительственной крейсэ прэвить эйсэ Алхесирасонть амбоцеда бомбардировкась ветизе сенень, што весе батареятне, конат аштить ошонь районсонть тапазь ды артиллеристэ маштозь.

Сень кисэ, штобу кепелемс мятежной войсканенень настроениясь командованиясь нолды кулят, будто Мола генералось совась Мадридав. Мятежиктэнь офицертэ пек пелить солдатэнь восстаниядонть. Ламо фашистт орголить Португалияв. Франко генералонть войсканенень савкшны модемс ансяк главной китнева. Крестьянтэ эрва кода



## ИСПАНИЯСО ВОЕННО-ФАШИСТСКОЙ МЯТЕЖЕНТЬ

Снимкасонть: Робочей милициянть од пополнения, конат моить Мадридасто северной районов, Гвадаррама райононтень, косо республиканской войскадне эськельке-эськельке мельга панить мятежиктэнь. (Союзфото).

кирдить фашистэнь икелев молеманть, китнень лангс валить чувт ды лият эрва месьт. Фашистэ леднить робочейтнень ды крестьянтэнь эйсэ.

Франциянь печатенть кулянзо коряс, Франко генералось яволявть, што бути сынть теить изнявкс, сестэ теить масторсонть корпоративной (Фашистской) строй истямо, кодамо ули Португалиясо, Италиясо ды Германиясо. Франконь валонзо коряс, бути ули теэзь изнявкс, ули яволявтозь военной диктатура.

## ИСПАНИЯСО ВОЕННО-ФАШИСТСКОЙ МЯТЕЖЕНТЬ



Снимкасонть: робочей милициянь отрядось потрулирует грузовиксэ Барселонань ульятнава. (Фотось Фроне-Пресс).

## ЧЕМОДАНОВ ЯЛАНТЬ ДОКЛАДОНЗО ПЕЗЭ

Ней жо кой-кона райкомтэ эсть туде ли первичной организациянть эйстэ седеак васов? Теде эряви арсемс. Бути ули лангс таргазь, што тусть, сестэ эряви сынст велягомс моданть лангс истя, штобу вейсэнь вийсэ решаем сетне стака задачатнень, конатнень икеленек аравтынзе комсомолонь X-це с'ездэсь.

Омбоце пек важной вопрось—те активдэнтэ, минек кадратнеде. Отчетно-перевыборной кампаниянь шкасто ламо кортазель кадрань кочкамодонть, ламо кортазель сынст кемекстамодонть, текучестенть каршо борошамодонть ды ламо лият. Но вана, ядгат, теэс аштицянтэнь эйстэ тиненк сех ламотненень, а берянь ули арсемс, кода лияктомсь тынк первичной организациясонть кадратнень составось. Весе ли комсоргтэ эсь таркасост, эли пелешкаст уш арась, кой-конаг чай полавневсь уш ветешкасть? Улит истят факт. Минек икеле ашти од ломаньтнень коммунистической духос воспитаньянь стака задача. Те—ста

ка задачась. Сон веши опыт, знания, минек жо кой-кона организациянтьсэ руководи телесь теци вейке, ванды омбоце, вандыде мейле—колмоце, минь жо тест кемдяно од ломаньтнень воспитаньянть ды бажатано, штобу минек организациянть авторитетэст касоволь. Эряви путомс пе кадратнень се текучестентень, кона ули минек союзсонть.

Седе тов вопросось—те революционной теориянть тонавтнемадо вопрос.

Агитировамо мон а карман, но содатано, што улит истят кулят, што пек виев псинть кувалт Московсо кой-кона политшколатне солась. (Пейдемат).

Минь кортатамо, што тонавтнемс эряви иень перть, што эряви тонавтнемс революционной теориянть; теэс жо, яла теке, бути арась очередной кампания революционной теориянть тонавтнеманзо кис, бути кодаткак конференция а ютавнтить, штобу первоисточниктэнь коряс тонавтнемс революционной теориянть,

школатнень роботаст кармси кромождомо. Истя теэсь а туи. Пэда ули, бути минь сексия аравтаном вопрос тонавтнемадонть. А паро ули сетне руководительтенем, конат тако кармить кортамо тонавтнемань иенть „ушодомадо.“ Седе паро ули ней, Весемасторлангонь од ломанень чинтень анокстамонть марто витемс теэсь.

Тынь содатадо, што X-це с'ездэсь ловизе школасо минек роботаном аволь удовлетворительнойкс. Теде а эряви стувнемс вейкеяк минута. Минь содатано, што аволь весе организациянть с'ездэнтэ мейле теистэ виде выводт. Те шкас школатнесэ оборудованьясь кода ульнесь берянькс, истяк берянекс кадовськак, школатне кода ульнесь апакавитне, истяк кадовськак апакавитне, педагогтэ а сатыть, учебниктэ марто теэсь берянь. Сень мельсэ кирдэсь, што ней чалгатано тонавтнемань од иентень, што минь получатано зяряя од школат, минек эйстэ ламонень эряви варштамс школатнес. Минек а кода ней роботамс истя,

кода роботынек ютась иестэнтэ, а кода ансяк куш бу сень кувалт, што партиянть икеле, масторонть икеле отечестано эйкакштэнь коммунизмань духос воспитаньянть кис. Минь эсинек роботанок ловичек аволь удовлетворительнойкс, ды минек эряви теэмс сонзэ отличнойкс.

Мон ай арсян лотксемс зяряя лия вопрос лангс, конатнень тынь содасынк минек коряс аволь седе беряньстэ, —культурной ды зяряя лия прострэнэ лангс, Меельсь пелев арсян тешкстамс, што Весемасторлангонь од ломанень чись минек, истяжо кода весе минек масторонть, ашти сахановской движениянть гадовщинакс.

Минек главной ды центральной задачанок—од ломаньтнень воспитаньясь, но, яла теке, минь од ломаньтнень воспитываем аволь книжной зубрежкань коряс, но революционной теориянть парсте тонавтнеманзо трудонть марто сюлмамонь основанть коряс. Ды зярдэ минь ней вейсэ минек народонть марго, вейсэ минек масторонть мар-

то анокстатано праздновамсте сланвой годовщинанть, минек эряви теэмс, штобу минек ютксо, комсомолонть ютксо, улелельть эшо седеак ламо стахановецт, штобу сынне встехань трудонь производительностень ды трудонть отношениянть эшо седеак вадра показательть.

Прядовома малав арсян евтамс Весемасторлангонь од ломанень чинть ютавтомань характердэнтэ. Минек ней эряви ушодомс (шкатне нурькинеть) истямо массовой робота, штобу Весемасторлангонь од ломанень чись улелель народной массовой, кециямонь ды весела праздникекс. Минек эряви Весемасторлангонь од ломанень чинть ютавтомс веселасто, ды ютавтсынек сонзэ веселасто, секс, што минек масторсонть эрямс кармасть улеме седе паро, эрямс кармасть улеме седе весела! (Кувать виевцапамот).

Отв. редакторось М. ЛЮПАЕВ